

文

章

辨

體

文選辨體卷之六

海虞後學吳訥編集

樂府一

郊廟歌辭 吉禮

漢

高帝三侯章

一曰大風歌又曰風起之詩史記作三侯之章初  
高祖定天下過沛與故人父老醉酒歡哀作風起  
之詩令童兒百二十人歌之孝惠時以沛官爲原  
廟令歌兒習吹以相和常以百二十人爲員文景  
之後禮官肄業以祭於原廟云

大風起兮雲飛揚威加海內兮歸故鄉安得猛士兮守四方

安世房中歌

通典曰周有房中之樂歌后妃之德秦始皇二十六年改曰壽人漢書禮樂志曰漢房中祠樂高祖唐山夫人所作凡樂樂其所生禮不忘其本高祖樂楚聲故房中樂楚聲也孝惠二年使樂府令夏侯寬備其簫管更名安世樂宋書樂志曰魏文帝讀漢安世詩無有二南風化之言改曰享神歌云

大孝備矣休德昭清高張四縣同樂克宮廷芬樹羽林雲景杳冥金支秀華厥旌翠旌七始華始肅倡和聲神矣宴娛同庶幾是聽

音送細齊同齊人情忽乘青玄熙事備成清思聊聊齊經緯冥冥

我定歷數人告其心敕身齊戒施教申申乃立祖廟敬明尊親大矣孝熙四極爰臻

王侯秉德其鄰翼翼顯明昭式清明嗚矣皇帝孝德光大  
撫安四極

海內有姦紛亂東北詔撫成師武侯承德行樂交逆簫勺群慝  
肅爲濟哉益定燕國

大海蕩蕩水所歸高賢愉愉民所懷大山崔百卉殖民何貴貴  
有德

安其所樂終產樂終產世繼緒飛龍秋游上天高賢愉樂民人  
豐草萋女羅施善何如誰能回大莫大成教德長莫長被無極  
雷震震電耀耀明德鄉治本約治本約澤弘大加被籠咸相保  
施德大世曼壽

都荔遂芳宵宓桂華孝奏天儀若日月光乘玄四龍回馳北行  
羽旄殷盛芬哉芒芒孝道隨世我署文章

桂華馮馮翼翼承天之則吾易久遠燭明四極

慈惠所愛美若休德杳杳冥冥克綽求福美芳醴醴即即師象  
山則

嗚呼孝哉率撫戎國蠻夷竭歡象來致福兼臨是愛終無兵革  
嘉薦芳矣告靈饗矣告靈既饗德音孔臧惟德之感建侯之常  
求保天休今問不忘

皇皇鴻明蕩候嘉德嘉承天和伊樂厥福在樂不忘惟民之則  
浚則師德下民咸殖今闡在舊孔容翼翼

孔容之常承帝之明下民之樂子孫保光承順溫則受帝之光  
嘉薦令芳壽考不忘

承帝明德師象山則雲施稱民求受厥福承容之常承帝之明  
下民安樂受福無疆

武帝郊祀歌

按漢書武帝定郊祀之禮祠太乙於甘泉祭后土

於汾陰乃立樂府以李延年爲協律都尉舉司馬相如等造爲詩賦畧諧律呂以合八音之調作十九章之歌以正月上辛用事甘泉園丘使童男女七十人歌之時新得神馬因次爲歌汲黯進曰王者作樂上以承祖宗下以化兆民今陛下得馬詩以爲歌協於宗廟先帝百姓豈能知其音邪觀黯之言則是歌宗廟亦用之矣然其辭亦多難曉云

練時曰

練時曰侯有望熡管蕭延四方九重開靈之旂垂惠恩鴻祐休靈之車結玄雲駕飛龍羽旄紛靈之下若風馬左倉龍右白虎靈之來神哉沛先以雨般裔裔靈之至慶陰陰相放悲震澹心靈已坐五音飭虞至且承靈億牲繭栗粢盛香尊桂酒賓八鄉靈安留吟青黃徧觀此眺瑤堂衆媻並綽竒麗頰如茶北逐靡

被華文厠霧縠曳阿錫佩珠玉俠嘉夜蒞蘭芳澹容與獻嘉觴

帝臨

帝臨中壇四方承宇繩繩意變備得其所清和六合制數以五  
海內安寧興文偃武后土富媪昭明三光穆穆優游嘉服上黃

青陽

青陽開動根莖以遂膏潤并愛跂行畢逮霆聲發榮壑處頃聽  
枯槁復產迺成厥命衆庶熙熙施及天胎羣生嘒嘒惟春之祺

朱明

朱明盛長專與萬物桐生茂豫靡有所拙敷華就實旣阜饒昌  
登成甫田百鬼迪嘗廣大建祀肅雍不忘神若宥之傳世無彊

西顛

西顛沈礪秋氣肅殺含秀垂穎續舊不廢姦僞不萌妖孽伏息  
隅辟越遠四貉咸服旣畏茲威惟慕純德附而不驕正心翊翊

玄冥

玄冥陵陰蟄虫蓋藏艸木零落抵冬降霜易亂除邪革正異俗  
兆民反本抱素懷樸條理信義望禮五嶽籍飲之時掩收嘉穀  
惟泰元

惟泰元尊媪神蕃登經緯天地作成四時精建日月星辰度理  
陰陽五行周而復始雲風雷電降甘露雨百姓蕃滋咸循厥緒  
繼統恭勤順皇之德鸞路龍鱗罔不聒飾嘉籟列陳庶幾宴享  
滅除凶災烈騰八荒鍾鼓竿笙雲舞翔翔招搖靈旗九夷賓將

天地

天地並况惟予有慕爰熙紫壇思求厥路恭承禋祀緼豫爲紛  
黻黼周張承神至尊千童羅舞成八溢合好効歡虞泰一九歌  
畢奏斐然殊鳴琴竿瑟會軒朱璆磬金鼓靈其有喜百官濟濟  
各敬其事盛牲實俎進聞膏神奄留臨須搖長麗前揆光耀明



寒暑不忒况皇章展詩應律瑁王鳴含宮吐角激徵清發梁揚  
羽申以商造茲新音未久長聲氣遠條鳳鳥鶉神夕奄虞蓋孔享

日出入

日出入安窮時世不與人同故春非我春夏非我夏秋非我秋  
冬非我冬泊如四海之池徧觀是耶謂何吾知所樂獨樂六龍  
六龍之調使我若紫黃其何不徠下

天馬

大一况天馬下活赤汗沫流赭志倣儻精權奇籥浮雲庵上馳  
體容與生泄萬里今安匹龍爲友此元狩三年馬

天馬徠從西極涉流沙九夷服天馬徠出泉水虎脊兩化若鬼  
天馬徠歷無草徑千里循東道天馬徠執徐時將搖舉誰與期  
天馬徠開遠門踈予身逝昆侖天馬徠龍之媒游閭闔觀王臺

此大初四年  
夔宛馬作

天門

天門開，跌蕩蕩，穆並騁，以臨饗。光夜燭，德音著，靈寔平，而鴻長。  
生豫太，朱涂廣，夷石爲堂，飾玉梢，以舞歌，體招搖，若未望，星留。  
俞塞隕，光照紫，陸珠煩，黃幡北，掖回集，貳雙飛，常年月，穆穆以。  
金波日，華耀以宣，明假清風，軋忽激，長至重，觴神襄，回若留，放。  
瑾冀親，以肆章，函蒙祉，福常若，期寂寥，上天知，厥時，泛泛溘，溘。  
從高旂，殷勤此路，臚所求，佻正嘉，吉弘以昌，休嘉，砰隱溢，四方。  
專精厲，意逝九閼，紛紅六幕，浮大海。

景星

景星顯，見信星，彪列象，載昭庭，日親以察，參侔開，闔爰推，本紀。  
汾脍出，鼎皇祐，元始五音，六律依，韋饗昭，樵變並會，雅聲遠，姚。  
空乘琴瑟，結信成，四興，近代八風，生殷鍾，石羽，籥鳴，河龍供。  
鯉醇犧，牲百未旨，酒布蘭，生秦尊，柘漿析，朝醒，微感心，攸通，修。

名周流常牟思所拜穰穰復正直往甯馮觴切和疏寫平上天  
布施后土成穰穰豐年四時榮

齊房

齊房產草九莖蓮葉宮室効異披圖按謀玄氣之精回復此都  
蔓蔓日茂芝成靈華

后皇

后皇嘉壇立玄黃服物發冀州兆蒙祉福沈沈四塞假狄合處  
經營萬億咸遂厥宇

華燁燁

華燁燁固靈根神之游過天門車千乘敦昆侖神之出排王房  
周流雜拔蘭堂神之行旌容容騎杳杳般縱縱神之徠泛翺翺  
甘露降慶雲集神之愉臨壇宇九疑賓夔龍舞神安坐鷄言時  
共翺翺合所思神嘉虞申貳觴福滂洋邁延長沛施祐汾之阿

揚金光耀泰河莽若雲增揚波徧臚騶騰天歌

五神

五神相包四鄰土地廣揚浮雲圪嘉壇椒蘭芳璧玉精垂華光  
益億年美始興交於神若有承廣宣延咸畢觴靈輿位偃蹇  
丹泊臚折奚遺遙淶澤淫然歸

朝隴首

朝隴首覽西根雷電寮獲白麟爰五止顯黃德圖匈奴重醫痊  
關流離掙不詳賓百僚山河饗掩回轆鬚長馳騰雨師洒路陂  
沉星墮感惟風籥歸雲撫懷心

象載瑜

象載瑜白集西食甘露飲雲泉赤鴈集六紛員殊翁雜五采文  
神所見施祉福登蓬萊結無極

赤蛟

赤蛟綏黃華蓋露夜零晝騰溢百尹禮六龍位勺椒漿靈已醉  
靈既享錫吉祥芒芒極降嘉觴靈啟啟爛揚光延壽命未未央  
香冥冥塞六合澤汪濊輯萬國靈禋禋象輿轆栗然逝旗遽蛇  
禮樂成靈將歸託玄德長無衰

光武廟登歌詩

一曰武德舞詩東觀漢記曰明帝永平三年八月  
公卿奏世祖廟舞名東平王蒼議以光武皇帝撥  
亂中興武功盛大廟樂舞宜曰大武之舞乃進武  
德舞歌詩詔曰如驃騎將軍議遂用之於光武廟  
焉

於穆世廟蕭容顯清俊又翼翼秉文之成越序上帝駿奔來寧  
建立三雍封禪泰山章明圖讖放唐之文休以惟德罔射協同  
本支百世永保厥功

唐

貞觀園丘樂章

唐書樂志曰貞觀二年祖孝孫修定雅樂取禮記  
大樂與天地同和之文製十二和之樂祭天神奏  
豫和祭地祇奏順和祭宗廟奏求和登歌奠玉帛  
奏蕭和皇帝行及臨軒奏太和玉公出入送文舞  
出迎武舞入奏舒和皇帝食舉及飲酒奏休和皇  
帝受朝奏正和皇太子軒懸出入奏承和正至皇  
帝禮會登歌奏昭和郊廟俎入奏雍和酌獻飲福  
酒奏壽和六年冬至祀昊天於圓丘樂章並褚亮  
虞世南魏徵等作大曆十四年改豫和爲元和以  
避諱也按唐初作十二和樂法天數其後增造非  
一皆隨時制名而休和等曲無傳

豫和

上靈賤命膺會昌盛德殷薦叶辰良景福降兮聖德遠玄化穆  
兮天曆長

太和

穆穆我后道應千齡登三歲大得一居貞禮唯崇德樂以和聲  
百神仰止天下文明

肅和

闔陽播氣甄曜垂明有赫圓宰深仁曲成日麗蒼壁烟開紫管  
聿遵乾享式降鴻禎

雍和

欽惟大帝載仰皇穹始命田燭爰啓郊宮雲門駭聽雷鼓鳴空  
相其介祀景作斯融

壽和

八音斯奏三獻畢陳寶祚惟永暉光日新

舒和

疊璧凝影皇壇路編珠流彩帝郊前已奏黃鍾歌大呂還符寶  
曆祚昌年

凱安武舞

昔在炎運終中華亂無象鄭郊赤鳥見邛山黑雲上大賚下周  
車禁暴開啟網幽明同叶贊禹祚齊天壤

豫和

歌奏畢兮禮獻終六龍馭兮神將昇明德感兮非黍稷降福簡  
兮祚休徵

貞觀祭方丘樂章

樂與冬至圓丘同其大和壽和凱安三章辭與圓

丘同



順和降神

萬物資以化文泰屬昇平易從業惟簡得一道斯寧具儀光王  
帛送舞變咸英黍稷良非貴明德信惟馨

肅和

至矣坤德皇哉地祇開元統組合大承規九宮肅列六典相儀  
永言配命長命無虧

雍和

柔而能方公而能敬厚載以德大享以正有時斯良有馨斯盛  
介茲景福祚我休慶

舒和

玉幣牲粢分薦享羽旄于鉞遞成容一德惟寧兩儀泰三材保  
合四時邕

順和送神

除或協養厚載方貞牲幣具舉簫管備成其嘏惟肅其德惟  
神之聽矣武鑒凌誠

貞觀享太廟樂章

唐書樂志曰貞觀中享太廟樂迎神用永和九變  
詞同皇帝行用太和登歌酌鬯用肅和迎俎用雍  
和獻皇祖宣簡公皇祖懿王同用長發之舞景皇  
帝用大基之舞元皇帝用大成之舞高祖用大明  
之舞皇帝飲福用壽和送文舞出迎武舞入用舒  
和武舞用凱安撤俎用雍和送神用未和其太和  
凱安詞同圓丘

未和

於穆烈祖弘此丕基永言配命子孫保之百神既洽萬國在茲  
是用孝享神其格思

肅和

大哉至德允茲明聖格于上下聿遵誠敬嘉樂斯登鳴球以誅  
神其降止式隆景命

雍和

崇茲享祀誠敬兼至樂以感靈禮以昭事粢盛咸潔牲牲孔備  
水言孝思庶幾不匱

長發舞

濬哲維唐長發其祥帝命斯祐王業克昌配天載德就日重光  
本枝百代申錫無疆

大基舞

猗與祖業皇矣帝先剪髮商德厚封唐慶延在姬猶稷方晉踰宣  
基我鼎運於萬斯年

大成舞

周傳仁壽皇帝文明明盛德穆穆齊芬藏用四履屈道三分  
鏗鏗鍾石載紀鴻勳

大明舞

五紀更運三正遞升勛華既沒禹湯勃興神武命代靈騰是膺  
望雲彰德察緯告徵上紐天維下安地軸徵師涿野萬國咸服  
偃伯靈臺九官允穆殊域委蕡懷生介福大禮既飭大樂已和  
黑章擾囿赤字浮河功宣載籍德被詠歌克昌厥後百祿是荷

壽和

八音斯奏三獻畢陳寶祚惟永暉光日新

舒和

聖敬通神光七廟靈心薦祚和萬方嚴禋克配鴻基遠明德惟  
馨鳳曆昌

雍和

於穆清廟聿修嚴祀四縣載陳三獻斯止籩豆徹薦人祗介祉  
神惟格思錫祚不已

永和

肅肅清祀忝忝孝思薦享昭備虔恭在茲雍歌撤俎祀嘏陳辭  
周光武志永固鴻基

貞觀祭太社樂章

唐書樂志曰貞觀中祭太社樂迎神用順和皇帝  
行用太和登歌真王帛用肅和迎俎用雍和酌獻  
飲福用壽和送文舞出迎武舞入用舒和武舞用  
凱安送神用順和順和辭同方丘太和壽和凱安  
詞同圓丘

肅和

后土凝德神功協契九域底平兩儀交際戊期應序陰壙展幣

靈草少留俯歆樽桂

雍和

美報崇本嚴恭農事受露躡壇承風啓地絜粢登俎醇犧入饋  
介福遠流羣生畢遂

舒和

神道發生敷九稼陰極乘仁暢八埏緯武經文隆景化登祥薦  
祉啓豐年

貞觀享先農樂章

唐書樂志曰貞觀中享先農樂迎神用誠和皇帝  
行用太和登歌奠玉帛用肅和迎俎用雍和酌獻  
飲福用壽和送文舞出迎武舞入用舒和武舞用  
凱安送神用誠和其太和壽和凱安詞同圓丘

誠和

粒食伊始農之所先古今攸賴是曰人天耕斯帝籍播厥公田  
式崇明祀神其福焉

肅和

樽裘旣列瑚簋方薦歌工載登葵禮斯奠肅肅享祀顛顛纓弁  
神之聽之福流寰縣

雍和

前夕視牲質明奉俎沐芳整弁斯儀式序盛禮畢陳嘉樂備舉  
歆我懿德非馨稷黍

舒和

羽籥低昂文綴已干戚蹈厲武行初望歲祈農神所聽延祥介  
福豈云虛

享先禋樂章

唐書樂志曰皇后親蠶迎神用求和亦曰頌德皇

后升壇用肅和登歌奠幣用展敬迎俎用絜誠飲  
福送神用昭慶

未和

芳春開令序韶苑暢和風惟靈申廣祐利物表神功綺會周天  
宇黼黻藻寰中庶幾承慶節歆奠下帷宮

肅和

明靈光至德深功掩百神祥源應節啓福緒逐年新萬宇承恩  
覆七廟佇恭禋一茲申至懇方斯遠慶臻

展敬

霞莊列寶衛雲集動和聲金卮薦綺席玉斝委芳庭因心罄丹  
款先已勵蒼生所冀延明福於茲享至誠

絜誠

桂筵開玉俎蘭圃薦瓊芳八音調鳳律三獻奉鸞觴絜案申大



享庭寓莫降祥神其置有慶契福永無疆

昭慶

仙壇禮既畢神駕儼將昇行屬深祥啓方期庶績疑慶誠者守  
內務本勛黎蒸靈心昭備享率土洽休徵

貞觀釋奠文宣王樂章

唐書樂志曰皇太子親奠迎神用誠和亦曰宣和  
皇太子行用承和登歌奠幣用肅和迎俎用雍和  
送文舞出迎武舞入用舒和武舞用凱安詞同圓  
丘送神用誠和詞同迎神

誠和

聖道日用神機不測金石以陳絃歌載陟爰釋其菜匪馨于稷  
來願來享是宗是極

承和

萬國以貞光上嗣三善茂德表重輪視膳寢門尊要道高闈  
賢引正人

肅和

皇惟上聖有縱自天傍周萬物俯應千年舊章尤著嘉賢孔度  
王化茲首儒風是宣

雍和

堂獻瑤篚庭敷瓊縣禮備其容樂和其變肅肅觀享雍雍執事  
明禮惟馨蘋蘩可薦

舒和

雉集龜開昭聖列龍蹲鳳峙肅神儀尊儒敬業宏圖闡緯武經  
文盛德施

貞觀祀風師樂章

迎神

太皞御氣兮芒肇功蒼龍青旗爰候祥風律以和應神以感通  
聘俎修饗時惟禮崇

奠幣登歌

旨酒告潔青蘋應候禮陳瑤幣樂獻金奏彈絃自昔解凍惟舊  
仰瞻盼蠶羣祥來奏

迎俎酌獻

德盛昭臨迎拜異方爰候發生式薦馨香酌醴具舉工歌再揚  
神歆入律恩降百祥

亞獻終獻

帝鄉徠王帛陳風動物樂感神三獻終百神臻草木榮天下春

送神

微穆敷華能應節飄揚發彩宜行慶送迎靈駕神心燦麗拜靈  
壇禮容盛氣和草木發萌芽德賜禽魚遂翔泳未望翠蓋逐流

雲自茲率土調春令

祀雨師樂章

迎神

陟降左右誠達幽圓作解之功樂惟有年雲駟戾止灑露飄煙  
惟馨展禮爰列豆籩

奠幣登歌

歲正朱明禮布玄製惟樂能感與神合契陰務雖被靈馭搖耆  
膏澤之慶期於稔歲

迎俎酌獻

陽開幽蟄躬奉鬱鬯禮備節應震來靈降動植求聲飛沈允望  
時康氣茂惟神之貺

亞獻終獻

奠既備獻將終神行令瑞飛空迎乾德祈歲功乘烟燎儼從風

貞觀朝日夕月樂章

唐書樂志曰貞觀中朝日樂降神用豫和皇帝行  
用太和登歌奠玉帛用肅和迎俎用雍和酌獻飲  
福用壽和送文舞出迎武舞入用舒和武舞用凱  
安送神用豫和其太和壽和凱安豫和五章詞同

圓丘

朝日肅和

惟聖格天惟明饗日帝郊肆賴王宮戒吉珪奠春舒鍾歌曉溢  
禮云克備斯文有秩

雍和

晨儀式薦明祀惟光神物爰止靈暉載揚玄端肅事紫幄興祥  
福履攸假於昭允王

舒和

崇牙樹羽延調露旋宮扣律掩承雲誕敷懿德昭神武載集豐  
功表睿文

夕月肅和

測妙爲神通微曰聖坎祀貽則郊禋展敬璧薦登光金歌動暎  
以載嘉德以派曾慶

雍和

屈晨爭舉天宗禮闈夜典恭秋陰明湛夕有醑斯旨有牲斯碩  
穆穆其暉穰穰是積

舒和

合吹八風金奏動分容萬舞玉鞘驚詞昭茂典光前列夕曜乘  
功表盛明

貞觀蜡 神樂章

解同朝日夕月

肅和

序迫歲陰日躔序紀爰稽茂典聿崇清祀綺幣霞舒瑞珪虹起  
百靈垂裕萬方受祉

雍和

緹籥勁序玄英晚候姬蜡開儀闋歌入奏蕙馥彫俎蘭芬玉酎  
太享明祗未綏多祐

舒和

經緯兩儀文化洽削平方域武功成瑤絃自樂乾坤泰玉鍼長  
歡區宇寧

宋

建隆郊祀歌

按宋史樂志建隆二年二月兼太常寺實儼言聖  
宋肇極一代之樂宜乎立名樂章當易新詞因詔

儼改周樂章十二順爲十二安取治世之音安以  
樂之義祭天爲高安祭地爲靜安宗廟爲理安登  
歌爲嘉安臨軒爲隆安王公出入爲正安皇帝食  
飲爲和安皇帝受朝皇后入宮爲順安皇太子出  
入爲良安王公朝賀爲永安郊廟俎豆入爲豐安  
祭享酌獻飲福受胙爲禧安有司又奏僖祖室奏  
太善舞順祖室奏大寧舞翼祖室奏大順舞宣祖  
室奏大慶舞其後隨世增益不能備載云

### 降神高安

在國南方時維就陽以祈帝祉式致民康豆籩鼎俎金石絲簧  
禮行樂奏皇祚無疆

### 皇帝升降隆安

步武舒遲陞壇肅祗其容允若干禮攸宜



奠玉幣嘉安

嘉王制幣以通神明神不享物享于克誠

奉俎豐安

笙鏞備樂藹栗陳牲乃迎芳俎以薦高明

酌獻禧安

丹雲之爵金龍之杓挹于尊壘是曰清酌

飲福禧安

絜茲五齊酌彼六尊致誠斯至率禮彌敢以介景福永隆後昆

重熙累洽帝道攸尊

亞獻終獻正安

謂天蓋高其聽孔卑聞樂歆德介以福禧

送神高安

倏兮而來忽兮而迴雲馭杳邈天門洞開

祀皇地祇

降神靜安

至哉厚德陟配天長沈潛剛克廣大無疆資生萬物神化含章  
同和八變神靈效祥

奠王幣酌獻嘉安

於昭祀典致享坤儀備物咸秩柔祗格思功宣敏樹日益鴻禧  
持載品彙率土攸宜

送神靜安

妙用無方倏來忽逝蠲潔寅恭式終禋瘞

建隆以來祀享太廟

迎神理安

肅肅清廟奉祀來詣格思之靈如在之祭克謹威儀載嚴容衛  
隆福孔皆以克永世

皇帝行隆安

工祝升階賓尸在位祗達孝思允修志祀顯相有儀克恭乃事儼恪其容通此精意

奉俎豐安

維犧維牲以魚以烹植其鞞鼓繫彼銅莖孔碩茲俎於穆厥聲肅雍顯相福祿來成

酌獻禮祖室大善

湯湯洪河經啓長源鬱鬱嘉木挺生根本大哉崇基出乎慶門發祥垂裕末世貽孫

順祖室大寧

元鍾九千生於仲呂崇臺九層起於累土赫日之升明夷爲主孝孫作帝武由祖武

翼祖室大順

明明我祖積德攸宜肇繼瓜瓞將隆本支爰資慶緒式昭帝基  
於穆清廟永洽重熙

宣祖室太慶

艱難積行縣長鍾慶同人之時得主乃定旣叙宗祧乃修舞詠  
經武開先未昭不命

太祖室大定

猗歟太祖受命于天化行區宇功溢簡編武威震耀文德昭宣  
開基垂統億萬斯年

太宗室大盛

赫赫皇運明明太宗四隩咸暨一變時雍睿文炳煥聖德溫恭  
千齡萬祀永播笙鏞

飲福禧安

嘉粟旨酒博膺牲牲神鑒孔昭享茲吉蠲夙夜忠祀孝以奉先

永錫純嘏功格于天

亞獻正安

已象文治乃觀武成進退可度威儀克明

終獻正安

常武徂征詩人所稱總干山立厥象伊凝

徹豆豐安

肥腍之牲既折既薦鬱鬯之酒已酌已獻祝辭亦陳和奏斯徧  
享禮具舉徹其有踐

祭社稷

降神靜安

百穀蕃滋麗乎下土聿崇明祀垂之千古育物惟茂粒民斯普  
報本攸宜國章咸覩

奠王幣酌獻嘉安

於穆太祀功利相宣靈壇美報歷代昭然介以蕃祚祚以豐年  
土爰稼穡允協民天

送神靜安

制幣犧齊正醉無愧樂以送之畢其精意

親耕籍田

皇帝出大次乾安

勤勞稼穡必躬必親爲籍千畝以教導民帝出乎震時惟上春  
天顏咫尺望之如雲

親耕

元辰既擇禮備樂成洪縻在手祗飾專精三推一墾端見朱絃  
靡辭染履以示黎社

升壇

方壇屹立聖級而登王色下照臨觀耦耕萬目咸覩如日之升

成規成矩百祿是膺

公卿耕籍

羣公顯相嚴奉齋莊率時農夫舉耜載揚播厥百穀以佑我皇  
多黍多稌不膺農祥

羣官耕籍

畏農畏耜我田既臧土膏其動春日載陽報事有恪于以中邦  
農夫之慶稷畝餘糧

降壇

肇新帝籍率我農人三推終畝祗事咸均陟降孔時粲然有文  
受天之祐多稼如雲

歸大次

教民稼穡不令而行進退有度琚瑀鏘鳴言還煩幄禮則告成  
帝命率育明德惟馨

景祐祭文宣王廟

迎神凝安

大哉至聖文教之宗紀綱王化丕變民風常祀有秩備物有容  
神之格思是仰是崇

初獻升降同安

右文興化憲古師今明祀有典吉日惟丁豐犧在俎雅奏來庭  
周旋陟降福祉是膺

奠幣明安

一王垂法于古作程有儀可仰無德而名齊以滌志幣以達誠  
禮容合度黍稷非馨

酌獻成安

自天生聖垂範百王恪恭明祀陟降上庠酌彼醇旨薦此令芳  
三獻成禮率由舊章



飲福綏安

犧象在前豆籩在列以享以薦既芬既潔禮成樂備人和神悅  
祭則受福率遵無越

充國公配位酌獻成安

哲宗朝增此一曲

無疆之祀配侑可宗事舉以類與享其從嘉粟旨酒祭薦惟恭  
降此遐福令儀肅雍

送神疑安

肅肅序庠祀事惟明大哉宣父將聖多能歆馨膺饗迴馭凌兢  
祭容斯異百福是膺

文章辨體卷之七

海虞後學吳訥編集

樂府二

愷樂歌辭

軍禮

鼓吹鐃歌曲

一曰短簫鐃歌劉瓛定軍禮云鼓吹未知其始也漢班壹雄朔野而有之矣鳴笳以和簫聲非八音也騷人曰鳴篳吹竽是也蔡邕禮樂志曰漢樂四品其四曰短簫鐃歌軍樂也伎錄有長簫短簫韻書曰鐃者如鈴無舌周禮以金鐃止鼓蓋鳴鼓吹以鐃止之而歌也然鼓自一物吹自簫竽之屬爾

漢

古今樂錄曰漢鼓吹鐃歌十八曲字多訛誤一曰

朱鷺二曰悲思翁三曰艾如張四曰上之回五曰  
擁離六曰戰城南七曰巫山高八曰上陵九曰將  
進酒十曰君馬黃十一曰芳樹十二曰有所思十  
三曰雉子班十四曰聖人出十五曰上邪十六曰  
臨高臺十七曰遠如期十八曰石留又有務成玄  
雲黃爵釣竿其辭已亡擁離亦曰翁離而諸篇之  
辭率多殘缺難曉云

朱鷺

儀禮大射儀曰建鼓在阼階西南鼓傳云建猶樹  
也以木貫而載之樹之跗也隋書樂志曰建鼓殷  
所作又棲翔鷺於其上不知何代所加或曰鷓也  
取其聲揚而遠聞或曰鷺鼓精也或曰皆非也詩  
云振振鷺鷺于飛鼓咽咽醉言歸言古之君子悲

周道之衰頌聲之息飾鼓以鷺存其風派未知孰  
是孔穎達曰楚威王時有朱鷺合脊飛翔而來舞  
舊鼓吹朱鷺曲是也然則漢曲蓋因飾鼓以鷺而  
名曲焉宋何承天朱鷺篇曰朱鷺揚和鸞翠蓋曜  
金華但盛稱路車之美漢曲異矣

朱鷺魚以烏路皆邪鷺何食食茄下不之食不以吐將以問誅  
一作者

思悲翁 其義未詳

思悲翁唐思奪我美人侵以遇悲翁也但我思蓬首徇逐狡兔  
食交君梟子五梟毋六拉杳高飛暮安宿

艾如張

艾與刈同說文曰艾草也如讀爲而數梁傳曰艾  
蘭以爲防置旃以爲鞞門謂因蒐狩以習武事

也

艾而張羅莫於何行成之四時和山出黃雀亦有羅雀以高飛  
奈雀何爲此倚欲誰肯磔室

上之回

漢武元封初因至雍遂通回中道後數遊幸其歌  
稱帝遊石關望諸國月支臣匈奴服蓋誇時事也  
上之回所中益夏將至行將北以承甘泉宮寒暑德游石關望  
諸國月支臣匈奴服今從百官疾驅馳千秋萬歲樂無極

翁離

一作擁離其意未詳

擁離趾中可築室何用茸之蕙用蘭擁離趾中

戰城南

此言野死不得葬爲烏烏所食願爲忠臣義士朝  
出戰而暮不得歸也

戰城南死郭北野死不葬烏可食爲我謂烏且爲客豪野死誰  
不葬腐肉安能去子逃水深激激蒲葦冥冥鳥駢戰聞死鴛馬  
徘徊鳴梁築室何以南梁何北禾黍而穫君何食願爲忠臣安  
可得思子良臣良臣誠可思朝行出攻暮不夜歸

巫山高

古詞言淮水深無梁可渡臨水遠望思歸而已後  
之作者皆涉陽臺雲雨之說非舊意也

巫山高似大淮水深難以逝我欲東歸害梁不爲我集無高  
曳水何梁湯湯回回臨水遠望泣下霑衣遠道之人心思歸謂  
之何

擬作

唐于子倚

何山無朝雲彼雲亦悠揚何山無暮雨彼雨亦蒼茫宋王恃才  
者憑虛構高唐自重文賦名荒淫歸楚襄我我十二峰永作妖

鬼鄉

上陵

漢章帝元和三年自作蓋因上陵而作之也

上陵何美美下津風以寒問客從何來言從水中央桂樹爲君  
船青絲爲君笮木蘭爲君櫂黃金錯其間滄海之雀赤翅鴻白  
鴈隨山林乍開乍合曾不知日月明醴泉之水光澤何蔚蔚芝  
爲車龍爲馬覽遨遊四海外甘露初二年芝生銅池中仙人下  
來飲延壽千萬歲

將進酒

古詞曰將進酒乘太白大畧以飲酒放歌爲言

將進酒乘太白辨加哉詩審博放故歌心所作同陰氣詩悉索  
使禹良工觀者若

君馬黃

夾漈云古辭但取第一句以命題未必專在馬

君馬黃臣馬蒼二馬同逐臣馬良易之有駸蔡有精美人歸以  
南駕車馳馬美人傷我心佳人歸以北駕車馳馬佳人安終極

芳樹

其義甚微

芳樹日月君亂如於風芳樹不上無心温而鵠三而爲行臨蘭  
池心中懷我悵心不可注目不可顧妬人之子愁殺人君有他  
心樂不可禁玉將何似如孫如魚乎悲矣

有所思

其詞大畧言其所思夾漈以漢食舉亦以此樂侑  
食也

有所思乃在大海南何用問遺君雙珠玳瑁簪用王紹繚之聞  
君有他心拉雜摧燒之推澆之當風揚其灰從今已往勿復相  
思相思與君絕鷄鳴狗吠兄嫂當知之妃呼豨秋風蕭蕭晨風



應東方須臾高知之

雉子班

按樂府解題不過引古詞以釋其名夾漈以爲樂府之題亦如詩題所謂關雎葛覃之類只取篇中一二字以命詩初無義也

雉子班如此之千雉梁無以吾翁孺雉子知得雉子高蜚止黃鵠蜚之以千里王可思雄來蜚從雌視子趨一雉雉子車犬駕馬滕被王送行所中堯年蜚從王孫行

聖人出 解語同前

聖人出陰陽和美人出遊九河佳人來駢離哉何駕六飛龍四時和君之臣明護不道美人哉宜天子免甘星茲樂甫始美人子含四海

上邪

其義未詳

上邪我欲與君相知長命無絕衰山無陵江水為竭冬雷震震  
夏雨雪天地合乃敢與君絕

臨高臺

解詁同前

臨高臺以軒下有清水清且寒江有香草自以蘭黃鵠高飛離  
哉翻關弓射鵠令我主壽萬年收中吉

遠如期

一曰遠期樂錄曰漢太樂食舉曲有遠期魏省之  
遠如期益如壽處天左側大樂萬歲與天無極雅樂陳佳哉紛  
單于自歸動如驚心虞心大佳萬人還來謁者引鄉殿陳累世  
未嘗聞之增壽萬年亦誠哉

石留

其義未詳

石留涼陽涼石水流為沙錫以微河為香向始蘇冷將風陽北  
逝肯無敢與于揚心邪懷蘭志金安簿北方開留離蘭

唐

唐鼓吹饒歌十二曲柳宗元作考紀高祖太宗功德一曰晉陽武二曰獸之窮三曰戰武牢四曰涇水黃五曰奔鯨沛六曰苞枿七曰河右平八曰鐵山辟九曰靖本邦十曰吐谷渾十一曰高昌十二曰東蠻按此諸曲史書不載疑宗元私作而未嘗奏或雖奏未嘗用故不被於歌云或類是云

晉陽武

隋亂既極唐師起晉陽平姦豪爲生人義主以仁興武爲晉陽武第一

晉陽武奮義威煬之渝德焉歸氓畢箝綬者誰皇烈烈專天機號以仁揚其旗日之昇九土晞訴田坻流洪輝有其二翼餘隋斲梟鷲連熊螭枯以肉勅者羸后土蕩玄穹彌合之育莽然施

惟德輔慶無期

右晉陽武二十六句句三字

獸之窮

唐既受命李密自敗來歸以開黎陽斥東土為獸之窮第二

獸之窮奔大麓天厚黃德狙獷服甲之橐弓弭矢履皇旅靖敵逾屨自亡其徒匪予戮屈贊猛虔慄慄縻以尺組噉以秩黎之陽土茫茫富兵戎盈倉箱乏者德莫能享驅豺兕授我疆

右獸之窮三十二句其十八句句三字四句句四字

戰武牢

太宗師討王克建德助逆師奮擊武牢下擒之遂降克為戰武牢第三

戰武牢動河朔逆之助圖倚角怒敵麤抗喬嶽翹萌芽傲霜  
王謀內定申掌摧鋪施芟夷二主縛憚華戎廓封畧命之曹果  
以斯歸有德唯先覺

右戰武牢十八句其十六句句三字二句句四字

涇水黃

薛舉據涇以死子仁杲尤勇以暴師平之為涇水

黃第四

涇水黃隴野茫負太白騰天狼有鳥鷲立羽翼張鉤喙決前鉅  
趨傍怒飛飢嘯翔不可當老雄死子復良巢岐飲渭肆翔翺頓  
地紘提天網列缺掉幟招搖耀鎡鬼神來助夢嘉祥腦塗原野  
魄飛揚星辰復恢一方

若涇水黃二十四句句其十五句句三字九句句四

字

奔鯨沛

輔氏憑江淮竟東海命將平之爲奔鯨沛第五

奔鯨沛盪海垠吐霓翳日腥浮雲帝怒下顧哀墊昏授以神柄  
推元臣手援天矛截修鱗披攘蒙霧開海門地平水靜浮天根  
羲和顯耀乘清氛赫炎溥暢融大鈞

右奔鯨沛十八句其十句句三字八句句四句

苞枿

梁之餘保荆衡巴巫窮南越良將取之不以師爲

苞枿第六

苞枿黜矣惟根之蟠彌巴蔽荆負南極以安曰我舊梁氏緝綏  
艱難江漢之阻都邑固以完聖人作神武用有臣勇智奮不以  
衆校跡死地謀猷縱化敵爲家慮則中浩浩海裔不威而同係  
縲降王定厥功澶漫萬里宣唐風蠻夷九譯咸來從凱旋金奏

象形容震赫萬國罔不奠

右苞栝二十八句句其十六句句四字二句句五字九句句三字

河右平

李軌保河右師臨之不克變或執以降為河右平

第七

河右澶漫頑為之魁王師如雷震崑崙以頽上墜下聰驚不可  
迴助隄抗有德惟人之災乃潰乃奮執縛歸厥命萬室蒙其仁  
一夫則病滯以鴻澤皇之聖威畏德懷功以定順之于理物咸  
遂厥性

右河右平十八句句其十一句句四句五句句五字

二句句三字

鐵山碎

突厥之大古夷狄莫強焉師大破之降其國告于  
廟爲鐵山碎第八

鐵山碎大漠舒二虜勁連穹廡背北海專坤隅歲來侵邊或傳  
于都天子命元帥奮其雄圖破定襄降魁渠窮竟窟宅斥余吾  
百蠻破膽邊氓蘇威武輝耀明鬼區利澤彌萬祀功不可踰官  
臣拜首惟帝之暮

右鐵山碎二十二句其十一句句三字九句句四  
字二句句五字

靖本邦

劉武周敗裴寂咸有晋地太宗滅之爲靖本邦第  
九

本邦伊晋惟時不靖根柢之搖枝葉攸病守臣不任勤于神聖  
惟越之興翦焉則定洪惟我理式和以敬羣頑既夷庶績咸正



皇誓載大惟人之慶

右靖本邦十一句句四字

吐谷渾

李靖滅吐谷渾於西海上爲吐谷渾第十

吐谷渾盛強背西海以夸歲侵擾我疆退匿險且遐帝謂神武  
師往征靖皇家烈烈旆其旗雄虎雜龍蛇王旅千萬人銜枚默  
無譁束刃踰山徼張翼縱漠沙一舉刈臙腥尸骸積如麻除惡  
務本根况敢遺萌芽洋洋西海水威命窮天涯係虜來王都犒  
樂窮休嘉登高望還師竟野如春華行者靡不歸親戚謹要遮  
凱旋獻清廟萬國思無邪

右吐谷渾二十六句句五字

高昌

李靖滅高昌爲高昌第十一

麴氏雄西北別絕臣外區既恃遠且險縱傲不我虞烈烈王者  
師熊螭以爲徒龍旂翻海浪驛駢馳坤隅賁育博嬰兒一掃不  
復餘平沙際天極但見黃雲驅臣靖執長纓智勇伏囚拘文皇  
南面坐夷秋千羣趨咸稱天子神往古不得俱獻號天可汗以  
覆我國都兵戎不交寄各保性與軀

右高昌二十二句句五字

東蠻

既克東蠻羣臣請圖蠻夷狀如周書王會爲東蠻

第十二

東蠻有謝氏冠帶理海中自言我異世雖聖莫能通王卒如飛  
翰騰蹇蹇龍靈然自天墜乃信神武功繫身君臣人累累來  
自東無思不服從海業如山崇有辟拜稽首咸願圖形容如罔  
王春書未末傳無時維肝萬狀乖咄咄九譯重廣輪撫四海浩

活知皇風歌詩鑄鼓間以壯表元戎

右東蠻二十二句句五字

擬宋鏡歌鼓吹曲

洪武宋景濂

藝祖生洛陽甲馬營中神光滿室有香郁然經宿不散此聖徵光見者也為啓聖徵第一

啓聖徵兆載先炁精降爛以鮮破重陰燭會玄合之暢神必宣應昌期馭宰權天序叶地執躔星游渚白帝廷氣貫月永殷年質往牒無不然惟皇符熾且壽著成烈在不刊

右啓聖徵曲凡二十二句句三字

藝祖將北伐師次陳橋驛諸將以黃袍加上身列拜

庭中稱萬歲遂請崇元殿行禪代禮為受周禪第二

受周禪崇靈基飛龍在天黃道開躬握乾衡鎮坤機蒼精喪木無支黑光溢日見重輝天人同歷數歸靈承帝祐流鴻滋

蓋紛若敦神營集肉角來氓灑灑俗恢恢照三版時赫赫

右受周禪曲凡二十三句其十八句句三字四句

句四字

昭義節度使李筠據澤潞弗服上御六師平之爲斲

老雄第三

斲老雄雄勢蹙連寇師樹高纛襲邊城施毒王赫斯怒誓加  
戮百萬貔貅若林蠱行視嶢峽勝平陸升城齊呼山嶽獲飛矢  
貫臂拔其鏃雄斯窮界炎熇朱鳥鳴反舌縮反舌縮四海服

右斲老雄曲凡二十二句其十七句句三字五句

句四字

淮南節度使李重進不庭憑恃江淮招集亡命上親

討之爲長淮沸第四

長淮沸沸若湯有蛟下潛石作房腥沫旁灑矛距四張欲鼓孽

浪浸日光真龍出火鬚明炳暴髓焦毒吮穢厥凶醜如刺狼水  
安流若鏡平皇威洽濊澤滂建萬寓慶無疆

右長淮沸曲凡二十句其十五句句三字五句句

四字

上遣將討張文表假道荆南其主高繼冲懼奉表稱

臣爲耀靈威第五

耀靈威奄八蠻如山壓卵颯嘘塵大帥率師手握矜策馬飲江  
江水渾盪摩日月搖星辰孰敢效命馘以徇蠻荆輿輓稱妾臣  
拜拜柯條削其根一朝坐鎮百粵門南荒帖帖絕妖氛

右耀靈威曲凡二十句其十二句句三字九句句

四字

師克南平趨朗州武安節度使周保權拒命討獲之

爲鷹之揚第六

我鷹之揚于彼南楚目城無全尚何有險阻虜周惛惛曾莫措  
思仇孽既殄胡及噬我師梟騎厲華旄旋海水立霄旭昏殺氣  
回薄然若煙濯征斯克功無前王度遠引摩不肩

右鷹之揚曲凡十八句其七句句三字九句句四字  
字二句句五字

諸將伐蜀取劍州蜀主孟昶封府庫請降爲巴蜀平  
第七

惟彼巴蜀務靡麗以夸金塊珠璣納政於邪於饒王師如虎如  
影捕夷凶族使民氣以摠足不加首臂豈大於股啓關迎降崩  
角無敢後聲明宜派被區有百蠻來同孚至理上鄰三五皇德  
美且阜

右巴蜀平曲凡十八句其二句句三字十一句句  
四字五句句五字

南漢劉鋹據嶺南良將征之鋹教象爲陣以禦我集  
勁弩射之奔鋹遂詣轅門降爲象斯奔第八

象斯奔攢南燭閨重昏揭兩曜通粵海接閩徼虜初弗知跳踉  
以戲敢持厥殿雜閩與集俱刀索氣銷始就縛三軍凱旋奏戎  
樂威神出自天顯彼帝畧千秋萬年蒸庶和且延

右象斯奔曲凡十八句其八句句三字七句句四字  
字三句句五字

王師伐江南江南主李煜降時葦出柳歷與鬼爲葦  
出柳第九

維葦出柳六合布新矧此彈丸何敢不臣凋弓宛轉鐵騎恭渾  
天塹未度已無江堦帝詔將臣俟其來賓慎匪疾擊以病吾民  
長蛇成圍不異祥麟辱王旣降市無驚塵天官皇化置于至仁  
右葦出柳曲凡十八句句四字

太宗既繼太統平海節度使陳洪進獻漳泉二州爲

拓閩關第十

閩關屹南紀上應斗女星南將窺瘴海東或帶滄溟五季失羈  
御藩鎮擅甲兵太阿既倒持僭竊瀆恒經誰歟據二州於此建  
節旌予奪自己出况復望來庭太宗嗣寶符渙號風霆行稽首  
歸厥命覆冒仰三靈鞮譯通絕域珪瓚集明廷神猷杳難測穆  
穆臻泰清

右拓閩關曲凡二十句句五字

吳越王錢俶見上

盛盡獻其土地爲吳越歸

第十一

皇王握神契重華叶帝蕃神兵從天下歛忽千萬餘揮戈日爲  
回投鞭海成枯奮擊人極間建侯飛電如錢氏最先覺方物久  
內輸終知喬嶽尊丘巨欲何須登名獻天府不煩神戈誅帝德



統同極萬國混車書

辨贊卷七

十二

右吳越曲凡十六句句五字

海內咸臣唯比漢假恩湯釜上親征之其主劉繼元  
素服紗帽待罪臺下詔釋之爲克戎逋第十二

汾晉十萬甲數葉僭爲君蟠根欲弗拔毒虐我蒸民聖人攄武  
師威烈赫然振刀戟夜生火出入動若神方將藏下地忽已凌  
高旻有城皆作醢無甲不爲塵戎逋膽已落舉族悉來臣群珉  
如流魚挈置瀛海津自茲遂生育陶然履泰淳阪泉著軒德丹  
浦明堯勛赫赫炎德殷末世同不泯

右克戎逋曲凡二十二句句五字

橫吹曲辭

按樂府集云橫吹其始亦謂之鼓吹後分爲一有  
簫笳者爲鼓吹用之朝會道路亦以賜有功有陳

角者爲橫吹用之軍中馬上奏之解題曰漢橫吹  
曲二十八解李延年造魏晉以來唯傳十曲一曰  
黃鵠二曰隴頭三曰出關四曰入關五曰入塞七  
曰折楊柳八曰黃覃子九曰赤之楊十曰望行人  
後有關山月各陽道長子道梅花紫騮馬驄馬雨  
雪劉生八曲合十八曲古辭多亡後人取六朝唐  
人詩以補觀覽然皆近體殊夫古義今皆不錄獨  
采古辭存者數篇并後人擬作者附之肅梁時又  
有橫吹等歌三十六曲其辭多亡止存企喻慕容  
垂木蘭等曲辭義皆無取今亦不載

出塞

晉書樂志曰出塞入塞曲李延年造按西京雜記  
曰戚夫人善歌出塞入塞曲蓋不起於延年也

候騎出甘泉奔命入居延旗作浮雲影陣如明月弦

擬作

唐杜子美

前出塞

戚戚去故里悠悠赴交河公家有程期亡命嬰禍羅君已富境  
土開邊一何多棄絕父母恩吞聲行負戈

出門目已遠不受徒旅欺骨肉思豈斷男兒死無時走馬脫轡  
頭手中挑青絲捷下萬仞岡俯身試塞旗

磨刀鳴咽水水赤刃傷手欲輕腸斷聲心緒亂已久丈夫誓許  
國憤惋復何有功名圖麒麟戰骨當速朽

送徒既有長遠戍亦有身生死向前去不勞吏怒嗔路逢相識  
人附書與六親哀哉兩訣絕不復同苦辛

迢迢萬餘里領我赴三軍軍人異苦樂主將寧盡聞隔河見胡  
騎倏忽數百羣我始爲奴僕幾時樹功勳

拔弓當挽強用箭當用長射人先射馬推賊先擒王殺人亦有  
限立國自有疆苟能制侵陵豈在多殺傷

驅馬夫雨雪軍行入高山徑危抱寒石指落巖冰間已去漢月  
遠何時築城還浮雲暮南征可望不可攀

單于寇我壘百里風塵昏雄劍四五動彼軍為我奔虜其名王  
歸繫頸授轅門潛身備行列一勝何足論

從軍十餘年能無分寸功衆人貴苟得欲語羞雷同中原有閭  
爭况在狄與戎丈夫志四海安可辭固窮

後出塞

男兒生世間及壯當封侯戰伐有功業焉能守舊丘古慕赴薊  
門軍動不可支千金買馬鞍百金裝刀頭問里送我行親戚擁  
道周班白居上列酒酣進庶羞少年別有贈含笑看吳鉤

朝進東門營暮上河陽橋落日照大旗馬鳴風蕭蕭平沙列萬

幕部伍各見招中天懸明月令嚴夜寂寥悲笳數聲動壯士慘  
不驕借問大將誰恐是霍嫖姚

古人重守邊今人重高勳豈知英雄主出師且長雲六合已  
一家四夷且孤軍遂使貔虎士奮身勇所聞拔劍擊大荒日收胡  
馬羣誓開玄冥北持以奉吾君

獻凱日繼踵兩蕃靜無虞漁陽豪俠地擊鼓吹笙竽雲帆轉遼  
海梗稻來東吳越羅與楚練照耀輿臺軀主將位益崇氣驕凌  
上都邊人不敢議議者死道衢

我本良家子出師亦多門將驕益愁思身貴不足論躍馬一十  
年恐孤明主恩坐見幽州騎長驅河洛昏中夜聞道歸故里但  
空村惡名幸脫免窮老無兒孫

折楊柳

古辭

唐書樂志曰梁樂府折楊柳歌即鼓角橫吹曲也

上馬不提鞭反拗揚柳枝下馬吹橫笛愁殺行客兒

紫騮馬

古辭

古今樂錄曰紫騮古辭蓋從軍久戍懷歸而作也  
十五從軍征八十始得歸道逢鄉里人家中有阿誰

擬作

梁元帝

長安美少年金絡錦連錢宛轉青絲鞵照耀珊瑚鞭

驄馬

梁車敕

總馬鏤金鞍柘彈落金丸意欲驟驄走先作野遊盤  
平明發下蔡日中過上關路遠行須疾非是畏人看

劉生

梁元帝

遊俠有劉生然諾重西京扶風好驚坐長安恒借名榴花聊夜  
飲竹葉解朝醒結交李都尉遨遊佳麗城

